

柏規山房全集

栢硯山房詩集卷七

上元梅曾亮伯言

宋太祖擊毬圖

辛丑

盃酒兵權釋君臣樂事多猶勝思猛士失計只悲歌

夜集偶成呈伯韓小坡藝叔魯川

盃槃草草酒微行共喜論文就短槃孤學自慚非世好
高言何意集朝英常悲師魯成先死不分公明作老生
夜久轉溫知欲雪相看飛動有詩情

書示張生端甫

我年未及十我祖授書時襟裾戒牛馬解授城南詩覆

醞悲子路讀記淚縷縷謂我有文性祖亦爲噓唏先子
畱上都我母課中閨文選苦難字背誦行遲遲十九始
出游雜覽如亂絲攪取得尺寸首尾終迷離吳門遇王
涓交我顧廣圻語我六書學訓詁宜兼之凡校古人書
不以他書資古書各義例熟玩窺其巖慚非性所好負
此良友規頗獨好文詞俳偶自娛嬉異之嗚君同謂此
不足爲此猶冠玉耳不見骨與皮皮骨且不見安能爲
妍媸是時文派多獨契桐城師洪鐘未殫叩闕響忽我
遺言往理稍出徐徐會其機讀書如養生薰蕕不同脾
豈食大官羊腥膻雜蟊螟三史范已屨陳壽無華詞五

代事簡略詞義獨恢恢老莊荀管韓國策逮楚詞淮用
呂春秋譎詭而倡披六經爲稻粱此亦膏與脂不可一
日無使人發華滋適口莫如約拙養聊自怡劉君稱漢
聖董生書玉盃謝力有未能吾知固有涯吾子天骨高
占風還可追鵠卵在啄抱庚桑慚魯雞倘欲師古人爲
子誦所宜

吳縣蔡母秦孺人節孝詩

死易孤難撫冰霜獨傲冬
施心終不卷蓬髮任長封
竟以秦家女能興蔡氏宗
三枝朱草苗應足慰貞松

贈陳蓺叔

新城陳藝叔宗伯有家風結友竹林上著書槐市中遺
經從我好佳句喜人工窮巷肯相過惟慚尊酒空

贈朱伯韓

偶出都無薄笨車寬袍散帶一潛夫常從草市攤書買
癩向花磚奉筆趨啟事擬推韓御史論兵難遇李司徒
惟應杜牧堪同調蕭寺風流共一壺

贈馮魯川

清酒一升書一握醒時卽飲醉還讀吟安一字脫口難
百轉千縷絲在腹西臺昔號白雲司文藻聲塵各異時
偶把官書似城旦坐忘恐得大宗師

和余小坡覽翁詩

讀君覽翁詩甚類送窮文自譽實自責人笑不得曠天
公視世人濛濛但微塵有誰強駮駮謂我文字神責報
望逾眾謂天無等倫天豈識此哉如人聽鳥喧安識所
歡喜與彼所煩冤人雖不鳥知鳥鳴自軒軒三春得煙
景萬物莫鳥先莽莽宙合中形略不久全惟文司其命
萬化畱貞堅鵬運所不周落筆俯仰間飛灰礙針孔掉
臂如平原快意孰有此得失誠莛莛得者生貴甚失者
趨階前不畏階前趨愧此見者憐豈知後世人不此爲
媿妍視我所悲嘆誦讀如游仙意氣謝往貴聲名屬來

權勿愧暫所憐但懼人所捐君聞當一笑此爲孟浪言
贈余小坡
客爲貪閑少詩常倚病多古歡良不淺世態覺如何吾
自甘郎省君當擬諫坡人生各情事應未效蹉跎

和魯川見贈韻

嬾作咸陽五白呼也無櫻筍學官廚同穿東郭先生履
笑擬西園雅集圖書降秦人皆是隸騷如屈氏不妨奴
能齊物論堪行樂且莫黎園憶北湖

追悼程春海侍郎

郎省曾蒙禮數寬笑稱屈宋竟衙官西山詩和承親寫

東觀書成許借看豈爲公卿嗟命薄獨緣文字惜才難
城南一帶採花寺愁絕何心更解鞍

偶成

撫軍原自知彭澤掌武何曾困樂天富貴豈能知己助
聲名不借要人傳

贈張勸菴

巷北多煩壤幾疑馬糞王繡衣勤闢路錦里借生光道
砥知平政刑灰豈法商夜歸詩伴喜京兆信前張

偶成寄仲卿彥勤兩弟

柏枧村中有故基吾宗苦約返茅茨黃精藥好愁難遇

蒼耳林深恐見欺
北阮家憐門戶改
南陽阡冀子孫知
飛橋一水千峯抱
記取他年謁墓時

百年寄圃冶城旁
舊德猶存綠野堂
祖父艱難畱樹石
弟兄奔走隔壺觴
極知飲啄宜山澤
又恐鳴號望稻粱
空憶故園春色返
半千閣下又青楊

卽事呈伯韓小坡魯川

磬折方延賓
三子適來憇
駭此初筵色
破帽欲辭避
主人撫掌笑
作達殊未至
豈聞竹林人
有物能敗意
徑入別室中
吟嘯無所忌
謂余君可出
無復與君事
童奴吾自呼
飲啖吾自計
此不須主人
安覺客爲累
須臾送客

入二醒一已醉笑言有餘盃明日可見詣

悼陳仲雲

昨見除書改心悲失老成
天恩新幾日風義斷平生
同榜隨年運藏舟嘆世情
升沈與修短大半已分明
可嘆

李侯去供奉杜陵辭司功
一官逼迫不稱意翩然逸翮
超樊籠自倚結交意氣真誰知
久客無相親漫言文藻
動千古終是悠悠一路人
嗚乎人生快意是超俗欲求
神仙當避穀君不見李侯憔悴
杜陵飢投詩乞米無休
時雙魚斗酒何人送匹馬短衣
空自悲

和張端甫得家書

久判歸期未有期家書欲報定遲疑
只言孤館寒燈坐
正似新豐逆旅時

雪後簡友人

風雪門難出巡簷定幾迴
撚鬚凡語換髮眼夢吟開
明月今宵滿詩星若个來
應攜謝公句一就漫郎盃

讀唐詩紀事

光啟乾符事可知探花猶羨曲江池
不愁王鐸方都統
卻笑盧家未主司黃獸豈能殘郡縣
青蟲多是誤軍師
太宗應悔開科第
羸得英才五字詩

和姚春木咏夏內史

草草諸賢各樹兵如君年少亦先鳴魯戈慷慨回天意
庾賦淒涼感帝京竟與終軍同義死可憐王勃尙書生
褚淵得壽譙周老蟬翼千鈞孰重輕

戲咏跳財神

壬寅

歌舞當門意態新乞兒翻解送財神定知廣廈推千萬
只有秋風屋破人

懶過黃羊祀竈時逐貧新賦幸能奇五窮明日應迴避
三十青錢學賣詩

悼柏雲伯父

我幼少邊幅獨翁喜見譽指誇族親言此是吾家駒吾
老不自憂衰宗得持扶酒酣氣益真不顧人挪揄我時
亦自喜誓不斯言孤流光變人心往懷忽無餘妄冀寂
寞名日與時榮疏身計豈云得愧翁受言誣八十方舉
觴賀客亦充閭不聞示微疾忽來告終書傷哉隔千里
跪奠缺嘉蔬作詩告余哀庶其鑒區區

簡何青士餽元宵未至戲促之

竈下長鬚手似蠶元宵未解學廚娘燒燈風味慚佳節
挈榼人情重異鄉笑我幾如名士餅知君久飮大官漿
青州從事甯同索聊與東坡作和章

人日作

一雪斂冬寒春聲動市
謹兒隨荒鼓聚人住美車看風
物如相引經過亦未闌
何因寒具小稍異故情歡

贈余小坡移居

巷南移巷北清曠果宜人
側想編籬急應知掃地頻小
窻深友聚高樹夜談親
卻羨魯川子端居得善鄰

鷹游登岸圖爲師禹門作

海州有山曰鷹游其東巨海之所浮
有蕃舶者驚來投
椎結赤足語呶嚶意說其國今琉球舟三十人
一其酋
有冠而職如邑侯以筆代舌能吟謳言自治所歸王州

橫風一蹕不可收度越萬里如一漚不自意全出大幽
如金銀闕登神州刺史曰吁遠貴柔況此恭順著海陬
舍以賓館給膳羞稽首再拜風迴舟經歷間切達中頭
說 天朝德無時休

間切中頭其國中
以名其郡縣者

贈葉崑臣雲南方伯任

九華初日暎瞳矐占奏頻繁

帝眷隆成賦早年識

司馬作公今日見阿龍鹽益美政三江最露冕先聲六
詔從若譜蘭倉宣漢德鸞臺舊筆試從容

樓桑村昭烈祠壁刊元遺山詞宣城李紫房訪得

之搨以見贈

古廟青林罷社時
遺山曾此譜新詞
十年來往渾無賴
贏得人間有斷碑

汪春生從舅氏許玉年至西域圖

山如火雲樹如血
日白風黃沙似雪
出關一笑天山來
走馬上天奇
欲絕使君圖畫感
西州紫蘭花間憶舊游
試問輪臺隨定遠
何如身致富民侯

雨後作

雨後籬根過水斜
離披寒葉伴秋瓜
繞庭細數添新草
喜不知名也當花

有會而作

吾欲適已事世豈復我須落落固其宜如何嘆人愚麋
鹿與牛馬受分固自殊雖言受分殊未足相誇譽咄哉
嵇阮生專已何區區

巡圃作

斜陽送疎雨新月已如客圃小繞花勤人間去草適此
甯足生理瓜豆亦可摘同袍何不來獨望寥天碧

也似

也似荒村獨樹家西鄰撲棗任誼譁青藤紅豆垂垂老
滿意秋光放菊花

聞歌

月明如水澹星河客近中秋鄉思多
悄立天街欲歸去
不知何處又清歌

中秋獨坐

雲陰過盡月華流欲臥虛堂且暫留
酒伴未招游伴阻
等閒已過一中秋

憶故園芙蓉

客中花少每思家又得家書說種花
護水笆籬三十步
芙蓉開動赤城霞

爲陳蕤叔題沈石田畫

家家紅葉滿山椒石路長通到板橋
無事山中不來往

木末山房言集
卷之二
看雲看水各逍遙

悼溫翰初

親朋相視淚痕多重坐君齋痛若何前日翻書猶未掩
蠅頭文字寫東坡

題李榆村詩稿

昔君風雪走吳門我客揚州冬復春除夕殘盃愧僮僕
那知尚有路旁人

戲題畫醉鍾馗旁臥一鬼

先生真大醉黥鬼暫安睡喚醉更無人睡者甯知偽與
真

爲李寄雲題圖

癸卯

先生卜築思平谷清夢時時到雲木興來水墨寫山樵
黃葉深深一茅屋屋前流水舊漁磯流作春江更不回
村村石樹山山雨羨煞空濛一棹歸

和張亨甫

尺五莊會共盃酌眾客酣譁君落落別來江海飽軍聲
詩膽輪囷壓蛟鰐新陪季布入關西故人喜見翔金雞
宿心雖了莫歸去好賦西京燕喜詩

鄧嶰筠先生入關誌喜

甲辰

玉門今日見歸輪喜色浸淫遍搢紳公論終由明

王定 天恩先爲老臣新從來起廢關邊計豈止生
還慰故人獨幸清言重侍坐八箴堂裏舊丰神

和王少鶴

宦薄興歸思交新惜勝流能借真率會不賦畔牢愁文
字岐千品浮沉共一漚看君窺妙處熙甫定同游

題羅兩峯爲桂未谷作簪花騎象圖

先生翰墨世無倫薄宦滇南寄此身騎象插花眞醉也
雙丫胡粉又何人

種竹

江南竹價賤如土被隴連崗不問主京師買竹如買田

種竹一區錢十千我家寄圃治城北有竹千竿伴松石
僧房屢過乞美箭惜哉方竹栽頻厄京師作寓今十年
強以隙地名吾園縱橫五丈一覽盡豈有三徑堪回旋
偶然種竹作豪舉頓覺平地堆蒼煙丁香妝組柏染翠
敗墻醜石增清妍家人笑言此寓耳爲人作計毋乃顛
先生聞此不自沮雨後刷地方疏泉溝行溉竹不穿竹
使作方罫緣其邊人生萬古莫非寓衣食寸寸謀貞堅
未歸一日尙我宅那因後捨荒其前竹樓作記意不爾
試問狂屈知誰賢

又一首

長日攤書睡眼遮繞庭數竹是生涯十年作計難求木
三徑成行不藉花破壁陰森疑有路文窗窈窕似誰家
童奴早製長鏡柄只擬明春刷荀芽

冷公調話往事有感

林間一局暑風收四十年前話舊游樂事何緣近消歇
幾人華屋幾山邱

代書答方植之

故人憐我久京華宦味誰知薄似紗書札閑翻如話舊
林泉偶憇當還家空庭每盼千尋竹斜印誰封七碗茶
敢擬畱司作中隱此身原是託麴麴

中秋夜訪冷公調不遇

佳節歡友生良夜念孤客叩門適不遇惆悵緩歸屐天
街月舒波萬戶閉一白誰家酒兵闕豔豔燭翻隙歸來
兒女譁對月學扣額祭拜未云已瓜果競分擘此樂諒
無與只可近書策夜深柰明何相對惟脈脈

寄光栗園

歸田計早勝歐公著作身閒道益隆問雁喜無疏客過
觀魚時有故人同高情更錄江湖集遺老應霑翰墨功
安得論文一樽酒龍眠山色鳥聲中

和座主湯敦甫先生游龍杖歌

乙巳

柏槻山房詩集

卷七

七

春紅已退夏綠疎黃花未來人意孤誰歟發豔回春腴
游龍作花紅扶蘇髮髯八尺堆珊瑚蕩搖秋空如畫圖
世人但誇顏色姝豈知直榦中不枯忍使花落隨犁鋤
我師巡圃爲踟躕試以爲杖輕若無刊落枝葉除根鬚
以鐵爲距漆作膚策之穩步如安車子美桃竹能給扶
昌黎赤藤杖自娛風流文彩二子都惜哉遷謫隨江湖
豈若此杖忘崎嶇侍師緩步畱天衢七十謝政神蘧蘧
春光澹沲黎雲鋪昆明芙蓉能白朱與爾同佩花間壺
園官十客相友于乃知草木遇各殊赤藤桃竹愧不如
豈惟赤藤桃竹愧不如孔光乃使靈壽污

讀史感作

秦川金鼓下關中
司馬寒灰技已窮
如此功名天吝與
唐衢何用哭窮通

顧杏樓自禮部郎出守潯州相知者於其行不能
訕然而無言也然以君之才之望今得一郡於
詞不宜夸故爲道君所欲得於民與民所欲得
於君者以效麥邱之誠以致朋友相愛之意於
無已也

聲聲銅鼓逐雙旌
皇化川如太守清
藤峽不驚民氣樂
大容山下看春耕

贈張仲遠之任武昌令

嬾賦長楊著子虛魯恭卓茂意何如卽今楚國先賢地
正待齊民要術書但使境無苛政虎未妨官食武昌魚
先公道愛傳鄒魯過聽謳吟想住車

送客

七尺琅玕手自栽今年新筍出墻隈不知客意忽忽甚
笑問曾看竹子來

王少鶴襲砧圖

嚴母訓孤子貌嚴心愈悲在亡恃一綫意外安可知況
乎阿姊心視母難倍之當其勤督責豈不自然疑天性

發精神恃往無險巖終然人定勝付託慰恩私撫今痛
乃釋循迹感愈滋我觀瓊砧圖危苦難爲詞

夜夢江行入古寺松竹甚茂得一詩醒憶松聲遠
接天五字因足成之

江行渺無際古寺忽當前竹氣深連雨松聲遠接大負
墻疑有佛開徑亦無禪乍可勞生住遲畱意凜然

明陳忠愍邦彥有遺硯唐子方廉訪少嘗出游得
之是夜家中人夢神以硯相畀屬作夢硯歌

景陽贈錦景純筆夢裏分明覺仍失先生得硯本非夢
卻有神從夢中畀孤臣昔揮魯陽戈此硯籌筆常研磨

木末... 卷一
玉帶生後誰與友流落人間伴書手忠臣良臣志事同
神物得所歆神衷訝謨碩畫一朝定膚寸雲起垂天功

李紫藩青溪煙雨圖

秦淮金粉望中迷傍晚簾櫳笑語齊獨向青溪對煙雨
天中橋北竹橋西

冬夜偶成

無官不礙寄婆婆幾見飛華逐逝波識字愧從新學晚
論文喜較舊游多難拋書卷因閒甚欲整冠巾奈嬾何
近得小園添竹石雪前霜後自摩挲

悼張一市

君開別墅冶城闈樓擬通明結構新隔歲纔徵盤谷序
他年曾約孟家鄰仲長竟負平生志逸少空驚俯仰身
應有義聲餘泣路銘哀欲爲表千春

林少穆先生奉 恩旨入關署陝甘總督作此寄

呈

中外傾心望 賜環竟迴旌旆過天山邊籌久已伸清
議臣節終能轉 聖顏橫海尙餘心膽壯屯田未覺
髡毛班華陰曾有靈宮句絕壁重題想更攀

贈陳頌南

慰客車多似水流左遷君自百無憂同官何意遭閹奉

直疏曾聞繼道州若訪石牛猶早計且歌金馬亦良謀
書銜從此稱光祿謝鮑詩聲讓一頭

贈邵位西移居

君別臨安山水來精廬應覺厭
鶻埃偶然移宅當金盃
鎮可藏書著玉盃深院無風能媚竹
小窻如畫忽橫梅
漫言此是倪迂閣卻許詩人踏破苔

監利王子壽去刑部主政歸作詩寄之

君竟翩然返故居題橋應笑擬
高車宵編荆楚歲時記
不讀司空城旦書詞賦飛騰聊自喜
江山遼落興何如
懷人若問吳門卒尙有詩狂未掃除

贈馮魯川移居

萬間廣廈意原優容膝先爲問舍謀恰有閒庭添雪貯
不教多屋被風畱漫疑晏子竄塵近且便王充市肆游
東去瓦南街咫尺借書應許卜鄰不

和邵位西咏韓蘄王翠微亭磨崖

岳侯會賦翠微詩公榜斯亭意可知息馬誰思韓白論
騎驢又見踏青時湖山藉卉增幽地風雨扶筇感舊碑
莫怪將軍號居士磨崖書已課佳兒

贈冷公調

長安車馬競追攀羨子蕭然絕往還中酒常醒惟適睡

木木...
把書懶校且消閒當年俠氣嘗驚坐老去文人只閉關
默數舊游應一笑青雲黃壤與朱顏

悼張文虎兒

贈畫書來每乞詩謂將名字託文詞聲塵似我甯堪附
期許如翁恐受嗤狂憶次公猶昨日眞畱王宰更何時
杏花村繞秦淮水腸斷金陵老畫師

楊至堂屬全錄舊稿寄之并作此寄呈

兒時筆墨原游戲應俗文章只日科遺忘已隨春夢過
掃除猶似夏雲多偶來城市鳴雙鳥那計滄溟渺一螺
卻愧故人殊嗜好大慚小怪爲收羅

寄姚春木

曾訪夷門客大梁更尋耆舊溯襄陽秋風昨已歸張翰
前輩今誰過孝章家食若爲三畝計國聞曾備五車藏
陳編亦有平生志愧子逍遙一草堂

答黃修存

近得交城黃子書爲言吏職實愁余便文常覺初心負
臨事方知舊論疎孔奮脂膏原不計道州撫字豈終虛
飄飄一札來千里尙有陵雲氣未除

贈吳子敘移居

南豐翰林有吳侯廣心遠志慕古修覃思研精坵大幽

臯比擁眾環三周六十四卦如探喉上通皇墳旁箕疇
平時誦經恒低頭揚眉忽爲蒼生憂翰林唐官設有由
論思左右敷王猷後沿其名職已偷如待詔者以技優
貴取賤用君所羞慨然上書借前籌十事敬陳備薪樵
人言侵官古則不敝車疲馬不自謀九衢皇皇如有求
少陵之廈香山裘謂君勞矣盍少休仲舉志大言難售
掃除一室身可收君聞此言笑合眸新居方卜西城陬
玲瓏六窻如虛舟庭撫嘉樹先人畱有素心者同稽顙
清時得遂聊優游嚴吾鞬鞞安吾輶倏忽一朝踏九州

寄桂丹銘時自揚州移守蘇州

悃悃無華默奏功姓名不藉要津通久應高第推黃霸
且喜蘇州繼白公財賦雄妍三楚冠賢豪雜沓五陵風
具宜文武原儒者肯使翁歸治獨隆

題戴雲帆寒齋味雪圖

自古詩人多愛雪雪裏吟詩定清絕君能味雪情獨親
無舌之人難與說差池世味日千變萬古資清常一潔
咀嚙平淡除羶腥吐納高寒謝炎熱食單不用一錢買
百甕寒菹增玉屑知君愛雪復愛詩無味之味能兼之
空庭雪落詩成後捫腹逍遙散步時

祀竈日寄仲卿弟

糖果養糕竈下供裝香簇炭喜兒童喧喧亦有家庭樂
卻笑家庭是客中

柏規山房詩集卷八

上元梅曾亮伯言

題甘寶菴白下瑣言

丙午

君家藏卷過三萬得取圖經自討論偶爲金陵增瑣事
如從石室訂方言眞長免使驚吳語介甫應難改謝墩
十載鄉風如夢寐客窗喜藉一編溫

寶菴遺鄉味數種詩答之

蔗糖麻餅滿春盤鄉味因君遇故歡
忽憶雨花臺下路
錫簫聲裏過長干

疎慵久謝五侯鯖北味難諳血蒜羹餽我筍衣作加點

冷淘香飯慰平生

六月十二山谷生日邵蕙西舍人招吳子敘編修
張石舟大令朱伯韓侍御趙伯厚贊善曾滌生
學士馮魯川主政龍翰臣修撰劉蕉雲學正及
曾亮凡十人集於寓齋舍人有詩屬和

夏幄陰陰四圍碧沈李浮瓜香拍席涪翁生日是今朝
七百年逢吾輩客此翁翰墨如坡翁命宮磨蝎應相同
春風官羊未飽喫荔支卻啖戎州紅主人詩派江西續
喜借古歡招近局槐花韭餅雖已過黃雞作羹鴨掌熟
新詩似擬鶴南飛共飲一尊歌此曲我亦低首涪翁詩

最憐作吏折腰時只今更謫人間否安得停杯一問之
爲李雲生題思耕望讀圖

黃犢青山寫放春知君作吏有天真平生誤學雕龍技
卻愛耕田識字人

記梁貞女事爲岐山令李雲生作

父梁大業女珊如石門人客岐山居明甲申亂爲賊俘
父死女執要爲孥求死僞喜給若徒得間觸壁碎其軀
邑志不載或私書豈非貞烈神所扶李侯作歌要我俱
詳姓名氏不敢誣

月下

木末上房言集卷八
乾坤清氣與秋來月下儵然絕點埃萬古奇懷生縹緲
一園疎影共徘徊江南久製思歸引冀北應逢曠世才
倦僕無言惟立寐殘書還就短檠開

中秋

秋澄玉宇滿金波瓜果家家笑語和佳節自成兒輩樂
清光曾爲幾人多纖雲四卷長空在古汴千燈往事過
太息二公今不見中庭惟對影婆娑

與方愼之夜話寄示仲卿弟

枝官十餘載久客忘非家種竹百餘本紅紫亦紛拏君
從故鄉來家園荷君誇前園湛水木後圃鍾山遮青蔥

松桂間竹石隨欹斜高樓俯眾景古柏撐簷牙視此所
經營渺矣一廬蝸出門苦塵土合眼夢清華翩然起歸
心忽如赴壑蛇奔走念余弟盡室仗哺鴉何嘗少安居
秋林盼春花我歸豈不懷汝瘁恐益加念此心迴環甚
於羊腸車諒哉古人言一飢能天涯何如田舍翁聚首
依桑麻

寄陳叔和

超然榮觀覺身輕不作東坡曳杖聲想見路旁人識子
白鬚紅頰古先生

答吳芻菴

丁未

昔君巷北我巷南文字自裹如眠蠶長安冠蓋識者少
兩土相遇惟詩談君今寄家竹西寺步月往往思三潭
紅橋修禊久寂寞扶輪大雅今誰堪閉門覓句自怡悅
聖處獨與黃蘇參封題示我要加墨謂同嗜好幽能探
君詩汪洋自適已人力所至天機酣姦奇怪變亦時有
中有真趣清而甘我雖知君未能學愧多一好紛研覃
文章千古那可計祇覺應俗增喃喃昏昏塵土塌倦翼
南望高鳥令人慚何時廣陵一相見佩壺同話桃花菴

方植之寒崖獨往圖

野徑蕭蕭落木中先生策杖與誰同古人往矣今人遠

遼落溪山付此翁

答陳子宣

遊讌會陪謝墅歡鳳毛重見振詩壇封題示我真三絕
伯仲如君本二難豈有文章堪寄傲自緣疏懶不宜官
潛夫何意蒙書札更盼他年卸馬鞍

題陳蘊山詩集

猶記青門送玉珂長鑿忽憶故山采黃梁一夢休嫌短
已得新詩十卷多

六月二十一日歐公生日集邵位西寓齋朱伯韓

曾滌生周岷帆龍翰臣劉蕉雲孫芝房與曾亮

凡八人以天下文章莫大乎是分韻得乎字芝
房編修是日撫琴

元和文章逮宋初中間五代荒榛蕪已往者韓未來蘇
艱哉一手公芸勸我思其時執鞭趨或從水涯伴山砵
子美曼卿介與洙不彼棄或辱收余年徂運往不可俱
高齋見公空畫圖謂公生日不可孤主人觴客皆英儒
公有至言非自諛惟文字者無窮歟若使後人嗜好殊
今亦誰復知公乎世人之壽百歲徂公八百載猶須臾
神理無盡不可誣今日爲壽良非迂況公守滌翁白呼
其年四十未有餘一視老壯齊榮枯豈復形骸爲有無

眾賓一笑有是夫更彈醉翁之操爲公娛

答吳紅生

揚州太守有書來筆札依然手自裁想見從容開畫舫
更無塵雜到靈臺飽聞魏國花金帶曾否江都草玉杯
會與君家老西谷蕪城一爲訪詩材

癸未六月十五日柏規山飛橋避暑追憶作此

飛橋橫跨兩崖平萬綠參天暑氣清一澗遊魚常布影
四山嘯鳥不知名紅欄忽若舟中坐碧磴誰從畫裏行
記與吾宗二三老農談終日慰平生

憶宣城故居

柏槻山前坐吉村故園何日不心存山中流水時過院
村外平田半遶門歲歲收茶忙婦女家家種竹長兒孫
鄉居風物多眞意惜少淵明與細論

中秋夜憶昔遊

白下曾爲伴月遊三三五五作遨頭閒尋放嘒衝山寺
緩逐清歌傍水樓人擬深宵長似晝天當佳節不知秋
應劉已逝黃壚遠輪看見童樂事稠

十六日作

誰使爬沙得上天彭亨墓腹恐難填嫦娥不解施靈藥
卻笑中庭泣玉川

二十九日讀 詔書作

帝念中州困饑從少府攤 詔書真惻怛國計正艱難
天意誠能動民情感易安迎年豐可卜鴻雁莫哀嘆

贈朱伯韓歸里

落葉蕭蕭帶雨飛驚看歸客換征衣去畱自笑無長策
漫欲畱君緩緩歸

位西要買菊

長椿寺古路三叉擔菊人多客駐車紅紫紛紛索高價
世人猶說愛黃花

平湖朱椒堂侍郎祖某代兄拘獄祖母高命其子

鴻猷赴蜀省親於獄歸遂卒不及見其父歸侍
即爲蜀道歸裝圖述父省親事其子善旂屬會
亮題其後

不忍兄罪弟代羈子念父羈步省之痛夫念子有婦獨
處傷伊威省父父安在乃在蠶叢蜀道陰雲古木萬里
天西垂望夫夫竟來三十七年少出而老歸家人不識
聞者爲噓唏嗚乎孝子先逝矣其有知而無知弟友子
孝婦義天所慈侍郎起家光 國儀有圖掩淚披有詩
泣血題使我展讀心神悲嗚乎孝義獨行列傳史所司
誰載筆者徵此詩

重九日集顧亭林祠餞朱伯韓分韻得慮字

讜言古所難得喪貴無與風清臯鶴鳴霜重賓鴻去秋
辰餞歸客遺老舊遊處傳經亦復佳豈在重抗疏所懷
古歎別高論莫余助黃花正開林徙倚澹吾慮

劉寬夫侍御有石田像人以爲曾亮似之邵位西
有詩因答之

先生林臥戲丹青想見身形似鶴形九陌黃塵一囊粟
何人錯許少微星

答邵位西讀惜抱軒集見贈

記年十八謁翁時迢遞桐鄉感墓碑昔日語言追悟晚

近來文字就訂遲瓣香自愧無餘子流別爭傳有大師
定論漫期千載後喜君先已辨滄淄

位西詩言及管異之吳仲倫因復作二首

古義高文管異之桐城佚老屢稱奇二三流輩誰生伍
五十窮愁信數奇在日每煩訂敬禮他年孰可誌宗師
規隨無限山陽感故我今吾轉自疑

蕪城一遇古儒生別後聲名老更成嘗論文章歸淡泊
卻標門戶轉崢嶸並驅張惲能孤往私淑方姚待定評
聞赴道山今十載高懷惜未異時傾

和邵位西風寒懷人詩

君隨樞相趨朝參夜批邊瑣朝百函我得懶情百寮底
蒙被畏曉頭頻探我閒君劇詩轉暇來見銜袖心先慚
大風懷人示新作萬籟出紙天聲酣今情昔歎百端集
劉郎不忍聽何哉人生離別一以甚嗟我今歲頻更諳
皇華之行朔方徙或收諫紙棲幽嵐昔當歡會輒心感
今果過眼如優曇長安凍地踏龜兆故園常憶鴛雙柑
惟文字飲足歡耳并此吝與情奚堪復思子雲嗜奇字
侯芭以外何人談非有先生亦安在曼倩獨語空誦誦
當時遊從想寂寞聊假筆墨驚愚憨青黃黼黻自天性
豈聞獨繭停春蠶君今與我足酬唱雙鳥定可勝孱二

東都廬空洛府聚怨衰惜盛甯非貪浮雲會合亦時有
別緒已苦當回甘酒筒詩板更來往倘非周北應張南

贈劉焦雲歸里

戊申

王君已謝白雲司劉子高懷又繼之辭祿不爲中隱計
養親爲及少年時襄陽耆舊增新錄館下諸生感去思
我亦徘徊開徑望牀頭煞借書緘

和馮展雲

敬亭長憶好山居十載京塵薄笨車畱滯藉觀東閣士
蕭閒時共北堂書疏慵那復訂三豕詰屈聊能辨一魚
卻愧明珠翰林句常談不厭肯相於

和孫芝房作

冬心索索如枯葉詩伴未招閒伴雪空庭零落不忍掃
意與春花同點纈喜君得句能見過對雪哦詩共清絕
懷人感事不能已擲地金聲霏玉屑從來高論出寒餓
年少得途誰復說古心若此真超羣不我疏慵坐相悅
經過已慣免題鳳眞率相招那怒髓平生遠志違初心
種瓜不實空成畷時規難合重低首古學爭鳴亦藏舌
車如雞棲怯泥水坐隱聊耽棋品劣久知選理繼曹憲
直館崇賢方就列想當奏賦罷雄風肯爲訂文辨雌蜺
自慚時命同蠶蠶獨喜文交神不竭江亭雪盡春蒲肥

聯轡莫教虛冷節

張石洲煙雨歸耕圖

馬蹏倦踏槐街影早覺
嗽名如畫餅買田築室當何時
披圖見君意先騁煙蓑雨笠畫中身
古來獨有淵明眞
荷鋤聽水信佳事誰是南村欣賞人

邵位西寓招看牡丹分韻香字

昔游棗花寺歲歲尋春忙
上有楸樹林其下羅天香同
年十餘人敷坐戀昏黃
自從晨星散城南息游繯何意
賢主人家花勝林樵招邀青雲客
錦帷對高張散仙不
官府清言卻笙簧種花始何人
相國畱此芳朝野正殷

樂報國惟文章時作花閒吟歡賞多常楊俯仰未百載
吾輩來徜徉今花非昔花紅酣如故常今人非昔人懷
抱各殊方含識每多變情滅故神長問花花豈_三且覆
手中觴

何青士四十生日詩

我初見君十四五快誦六經如墜雨我今見君四十強
屈指忘年友先數我疏於世常空居獨喜辰來談過午
家聲方隆意每下技能自富心常古卽今卽署暫趨蹌
遠志終非噲等伍昨詩示我有新意若諧若莊疑自憮
君不見君家尙書今對揚當年四十猶清郎人生逢遇

那可定賓戲解嘲非所望

苦雨作

一雨連三日空階欲斷行
檢書防屋漏移案就窗明
倦獨親茶盞談誰共酒鐺
惟聞喧爆竹苦欲驗陰晴

常說東風雨今朝雨自西
農談空測量天意總淒迷
輕燕衝難進流螢濕易低
應知車馬客無計避塗泥

喜晴

夜晴猶未覺乾鵲喜先聞
掃地迎新日看天送斷雲
車聲初閣閣市語漸紛紛
靜數蝸牛壁添成幾篆文

和邵位西游書肆詩

我昔借書常疾讀到手先愁還日促有如謁客借車馳
一日千家嫌不足只今長大愛心氣插架雖增懶過目
時得佳本亦好之啜墨玩茶同一篤邵君邀我市肆游
舊好重教十年觸望奢持狹成一笑空手寶山徒躑躅
君詩爲我工解嘲謂此麻沙雜著錄昔與馮溫作三友
海王村中時僕僕胡盧漢史佛龕文異本妄思歸障籠
馮君罷宦息鄉里溫子清卿惟仰屋幾人嗜好今變更
俯仰始驚歲時速書貴神智益人耳昔見甯非珠買楮
閱字昏澁况宜懶山谷此言吾近服從教傳迪好輕人
老子一篇甘抱獨

送黎月樵歸里

蘇廣堂陳頌南兩給諫朱伯韓侍御先後歸里
月樵侍御曾以詩贈伯韓行今又繼之作此奉
贈并以懷三君子也戊申九月十四日識

高吟昨歲送歸舟借隱知君意莫留青史漫論千載後
黃花又伴一人秋湖湘落落望三友京國勞勞生四愁
嚴召從來多盛事可能蕭散遂林邱

贈司馬繡谷

早見相如作賦時故交久別似新知醉來自署狂司馬
到處爭迎老畫師吏隱豈非吾輩願臥游應慰故鄉思

雞籠山色青溪水何日扶筇共一枝

延年益壽瓦拓文一頁有翁覃溪學士自題程漁
門編修和詩翁年五十時客以此瓦爲祝今拓
文爲何子貞編修得之子貞五十生日出以示
客題此爲壽

延年得瓦繼覃溪同是公孫五十時前輩風流歸妙手
名山事業貴期頤養生四印從今始作史三長待子追
樂石吉金誠富有肯將餘論號專師

譚菊農且泊圖

蘆叢鳴艫亦何爲且坐江頭看釣絲
破浪風帆君莫羨

柏規山房詩集

卷八

當年曾有泊舟時

爲范篠雲題圖

巳酉

京兆當年秀孝我年已壯君方少卽今五十未全老
忽覓詩袍披醉帽輜軒之車御史驄何不入此圖畫中
君乃大笑寒乞相政恐絕倒東坡翁

觀優

玉貌歌童金縷衣嬌嬈欲擬李師師鄙人自笑多唐突
話到菖蒲著帽時

漸民何自到頽波貨殖書成竟奈何十丐一髡同活計
齊民色日後來多

贈陳作甫

君宦涼州十五年相逢各已嘆華顛苦言案牘難行意
賴有文章與作緣收迹近思同鄭圃班春應許到吳天
蓬門定掃開尊酒卻話京華一惘然

題吳仲雲輯詩圖

先生昔作湖山主補葺鄉詩繼詩祖江湖臺閣豈區分
不薄今人如愛古錢塘八月銀濤堆雪後孤山梅半開
英聲秀色誰收取都向花南視北來

己酉八月出都邵位西員外孔繡山舍人曾滌生
侍郎邊袖石編修秦澹如明經馮魯川何願船

兩主政黃子壽庶常餞於龍樹寺因畱贈

樗散京華二十年英流相接喜珠聯
久應舊里便衰癩
難得奇文共討研
隱几他年甯故我
扶輪今日仗羣賢
青楊巷近潮溝宅
書札能來自日邊

將歸里寄陸立夫

昔言白下君開府
卽返青溪我散人
自喜笑談成左券
卻勞書札念歸輪
狂瀾忽值江河會
安宅眞煩柱石臣
灑澹沉災知有術
入門松菊定堪巡

悼徐稚蘭

觀察纔新命承凶信已夫
昨書詢我弟今札弔君孤白

下民難忘蒼天理竟誣平生相煦意一慟盡泉途

出都偶成

不須松桂悵巖阿屈指橫江一月過歸去交親者舊少
近來文字墓銘多但期筆札傳通子莫話功名歎阿婆
一笑窮愁原故物幾人黃壤更如何

題桐城張元道詩稿

以文爲詩古有之擬經擬子斯尤奇易牙豈識燧人味
擗耳難爲壞父師我窺其藩尙茫昧世觀於隙彌驚疑
一卷冰雪不受暑避俗自攜惟自怡

光州烈婦吟

夫疾一何連連架上典衣盡藥石難痊割股請代泣告
滄浪天天公不聞知夫死魂魄無還時夫不爲我留我
能子追舉身自挂東南枝從君上太山奔車授前綬從
君下蒿里草露同沾衣豈伊不計宗支豈伊不戀庭闈
義感痛發無餘思瞑目一決甘如飴甘如飴人心悲我
述其事心亦爲之摧夫懋先父承弼河南商城人王女
嬪張室嘉慶二十五年生死乃道光二十七年十月十
五日有欲詳之視吾筆

出都過漫河

野水平沙散漫流停車一日幾句留歸心已怕車輪緩

更爲征人作許愁

姚石甫客江甯至家喜晤

君歸謫宦三千里我寄閒官十九年
人世煙雲談笑過
鍾山青到小窻前

柏規山房詩集卷九

上元梅曾亮伯言

館梅花書院和吳笏菴

庚戌

京華會擬廣陵游一笑相逢兩白頭
九陌黃塵如夢寐二分明月且留江
山點綴推鴻筆金碧傾頽感貉耶
三十年前文讌地西園何處認歌樓

厲茶心以詩集見贈答之

聞君罷宦此棲遲萬卷書中酒一卮
閉戶不教殘客對好詩卻許外人知
漫愁末歲疲師道信有前身是總持
讀到和陶心更遠澹然吾亦在皇羲

題王夢蘭校書圖

唐文開館昔揚州，簪筆西園憶舊遊。
幾輩名公天祿閣，良宵高會月燈毬。
重來失路迷蒼耳，往事逢君話白頭。
書畫近知真有益，聊從逝水記浮漚。

登書院中亭子

小亭虛敞得風先，城外人家欲暮天。
籬落半開疏雨後，樓臺多傍夕陽邊。
北山微見應同駕，南郡碑無待索錢。
徙倚忽忘身世處，晚鐘聲裏上炊煙。

過揚子橋作

官河南下水如梭，揚子橋頭幾度過。
小市人家收店早，

滿川煙雨聚船多久嫌塵土喧車鐸卻住津關聽棹歌
何日東臯一舒嘯不因得喪閱驚波

瓜洲阻雨

吳江夜雨臥扁舟獨憶中朝舊畫流攀呂交猗多樂事
談經載酒共清游音書莫訝魚千里聚散從來貉一邱
聖主萬年初政美諸公努力策新猷

苦雨簡陳執叔

辛亥

風寒連日雨如繩欲脫羊裘尙未能天意自教春澤滿
人情過慮水災仍閉門滑滑誰過院旅館陰陰早上燈
聞道東園花未謝放晴同策一枝藤

東園看梅過天甯寺

去年我到後梅開今及花開又雨催
疏影尙餘林下態高寒惜未雪中來
華堂昨正梧檠舞緩步今誰杖屨陪
幽賞更尋蘭若近小闌花韻重徘徊

野人家見杏花

路近平山幽興賒尋春不覺帽簷斜
偶穿水北經茅舍久別江南見杏花
萬片更無芳草藉一枝聊得短籬遮
若移京國情何限豈獨昌黎爲嘆嗟

和吳笏菴枕上偶成

昔年枕上訂文多不厭更寒細校磨
近每遺忘如過夢

但期眠睡得無何
荒雞渺渺聽常誤
曙鵲遲遲盼未過
愧憶應官嘗待漏
文書銜袖手頻呵

過玉清宮道旁杏花甚多

杏花每惜不成林
屋角牆隈偶被尋
一雨便如春事了
兩株那慰客愁深
偶然乘興來山館
無數芳華照水潯
爲語東風須護惜
閒身頻過得長吟

贈吳笏菴

京華酬唱劇縱橫
自客江城少舊盟
五鹿敢云摧勁敵
一夔今定屬先生
閉門覓向游心遠
入海求詩脫手成
昨得報章應一笑
拈髭又對短燈檠

院有隙地擬種菜

伊蒲作饌豈吾儕食肉能仙計自佳常恐甘肥成腹疾
聊將貧儉學心齋萬釘覓菌何須爾百甕藏菹尙易諧
便與園官分菜把嘉蔬苦苣得安排

張生燾送月季花

張生爲我兩花移綠刺紅英嫋嫋枝頓使垣墻舒錦繡
絕勝荆棘作藩籬橘林待實言真戲橙畝成陰計已遲
那似此花開月月一年常似好春時

院中桃花已開偶成

獨憑軒檻對天韶憶昔天台訪石橋絕壁已從官路合

飛泉常近市樓飄，因嗟塵世多開闢。那怪仙靈遠寂寥，
欲問桃花定惆悵。幾人採藥再山椒。

東吳笏菴

坡陀曲徑上平臺，城外春光四面來。朝霧能將朝雨散，
園花又接野花開。芳時獨坐真無事，爲子聯吟卻費才。
莫訝兩人疎造請，詩筒相接勝銜杯。

東園後野眺

行過長墻官路停，人家寥落散林坳。重重水氣含春白，
澹澹雲光放晚青。病叟獨歸如偶語，先生高詠欲誰聽。
昏雅已集東園樹，更踏殘花上小亭。

得家書作

連陰昏晝欲蹉訛時憶家園近若何昨日書從江上至
今年春在雨中過泥深或可移新竹池漲先愁沒小荷
病弟喜知能強步編籬應自看牽蘿

遣悶

其雨其雨來無期仰天晝地空嗟咨安得青天變成紙
晝就日出扶桑時雲師未誅惜子美風伯誤訟尤昌黎
故人邀我坐湖舫如麻雨腳難追隨

苦雨嘆四首

我屋東鄰辛夷花花光高出山人家粉牆朝日助光采

枝枝截玉成丫，胡爲一雨顏色變。半黑半白，遙棲鴉
粘枝敗蘂，不肯下如客。遠別姑畱家，見此不忍起憎意。
昨日愛玩，曾驚嗟。

我屋西園開天桃，就中碧桃尤豔。嬌巡廊坐檻，靜畱玩
春光照眼，紅如燒千絲楊柳，散婀娜綠衣翠袖，迎緋袍
揚芳弄色，正滿意。此生豈分泥塗，遭胡爲一雨，不知處
有人掃落堆墻，劫新葉，怒長競排擠。餘紅不使棲，堅牢
牡丹芍藥，亦已好春色，又借他人豪。

我門南臨大方池，池中荷花十百枝。每登高樓，瞰明鏡
紅酣綠淨，相因依。年年四月浮小葉，三月定已潛生黃。

胡爲一雨遂瀾漫野水四合高平隄水深荷小不得上
抑遏定已成污泥無花種魚計雖得罷鱸久誦東津詩
鄰翁不語亦何意獨倚高柳看空陂

我屋之北連北鄉草樹高下迷青蒼羣鳥下食上爭樹
清晨鼓翅迎朝陽萬鴉結陣暮西去後者疾力追前行
郊居無人日玩此不俟漏表知昏黃胡爲一雨遂絕跡
寂寞終日無鳴翔深林密箐定沾濕破巢不復能深藏
家家屋漏少乾處啄屋那得雙棲梁竟從何處匿形影
物理茫味難推詳卻憐雨鳩昨得意豈知久雨爲汝傷

晤吳子敘

昔別深愁思，今逢炯自如。
頻年窮塞客，幾輩故人書。
歌吹揚州寂，簪裾上國疎。
吾方甘養性，高論重開予。

李生冰署筆，增張生醒菴。
楸以上已出游圖序乞

題

兩士扁舟上，已辰何因望。
古獨傷神定，知寂寞揚州夢。
不似聲明洛水濱，浮世自能生感慨。
流光原未滅陽春。
右軍觴詠真高會也，復興懷爲昔人。

偕臧生錫文王生友竹袁生湘波至桂陸園看牡丹
過余生吉士花室

北郭幽居路不賒，市塵行過踏桑麻。
一無四壁只編樹

十有九家同種花
世外天光圍綠野
坐中人影伴朱霞
秋來訪菊吾能記
翁仲南邊草徑斜

謁史公祠

孤臣難挽魯陽戈
傳有衣冠葬碧蘿
一士存亡隨社稷
百年憑弔永江沱
深林黛色虛堂肅
老圃青門後裔多
舊事誰從遺老問
往來都爲好花過

道中見土牆內牡丹

雨後閒行日未斜
春光多在野人家
疎疎籬落蕭蕭客
草草園林澹澹花

懷陳稻孫

聞自揚州赴左川渚宮郢樹幾畱連新詩寄我能千里
常語多君憶十年何日徑歸雙井宅此生那付五湖船
吾今衰老君過壯話到名山共惘然

半花村看菊重過余吉士花室

翁仲南邊草徑斜又同步屨到山家平疇劃地栽菘菜
老圃當年總菊花尙喜開林畱萬朵相將遠屋遍三叉
秋鴻社燕皆今我相識山亭有暮鴉

送戴雲帆歸里

諸公袞袞赴新除君獨扁舟返故居金馬碧雞歸興逸
酒龍詩虎舊游疎相看萬里成輕別誰與千秋共訂書

相和山房詩集 卷九
臨水送君情不盡，出山倘得再過余。

偶書

城外居如野寺清，祇勞鴉鵲報陰晴。昨聞北客談朝士，
因憶東坡論賈生。世事從來多往迹，古人應已會今情。
陳編欲掩虛堂寂，坐待西樓素月明。

余生吉士送竹

平居每作此君緣，買種長安過萬錢。近喜門生能託贈，
因教園客共平鐫。休遮雜葉紅邊雨，常對新篁綠處天。
莫笑詩成蔬筍氣，欲參玉版已多年。

歸里感作

歲暮歸來百慮清，漫將伏臘費經營。讀書養性原先德。

漢書梅福傳

績學參微愧後生。

聖祖賜先定九公扁額四字

稍喜梅花

能補種，那堪荆樹忽凋榮。傷心寒木春華館，無復迎門

喚阿兄。

仲卿弟卒於五月四日

悼黃修存

見子成童日，千言筆已操。才名淹酒病，宦減詩豪條。

忽瞻丹旆，辛勤共白袍。重來懸榻處，何止痛三號。

賓館留連日，君家同氣我摧傷。三弟酷支拄，一官貧已

絕。飛騰意猶期，老壽身只今。餘第五隻影，倍傷神。

但雲湖雪舟籌海圖

王子

圖山門東鷺鼻矗海水，上潮此一束。怒吐鯨擲不敢過，
何況皮宗來。殼棘使君籌海輕，裘來雪湧銀山金翅開。
謂此扼要宜三臺，謀雖不用肯袖手。開張形勢夷酋走，
保障淮南百萬口。

過汪均之石橋故宅

昔君卜築此河干，荆竹移花每共看。偶過便成終日坐，
相期未覺古人難。十年京國音書積，百歲風燈笑語寒。
太息集園非舊榜，孤松猶在憶盤桓。

辭邵蓮溪招飲新宅

使君招飲爲新居，不赴嘉招獨慨余。二十年前身坐客，

故人辛苦自開渠

台城

台城山下有柴關老屋蕭然對蔣山高樹小池微雨後
疎簾清簟好風閒經繙貝葉機終鈍氣聚金花願已刪
獨愧候蟲鳴鳥意吾生似汝不能閒

治圃偶成

池南種竹地積高如累樵北俯深柳堂迫水侵其坳常
愁青苔榻書帷濕生毛攜奴共鋤畚剗土誅其茅庶幾
游波寬細渠得周遭吾廬已百年幸免近市囂喬木生
遠籟修竹清陰交何期已酉夏城市盈江湖平泉舊草

木十九爲之涸川谷久不虛奪水居民巢大哉天地間
萬化日趨消漸滅復爲土坤儀日增高安知萬年後星
斗不可招倚杵固迂念卽事難辭勞

柏硯山房詩集卷十

上元梅曾亮伯言

咏喉

仰承元首位中央底蘊深深未易量善下不爭三寸舌
虛中能達九迴腸吞來夢裏原丹篆嘔向吟邊亦錦囊
莫訝隨風咳唾落九天珠玉本包藏

咏風帽

藍關積雪灞橋風賴汝相隨逆旅中莫笑頭銜藏碌碌
喜無耳語附怱怱周遭自護吟肩冷掩映難誇背相工
脫帽入門堪一笑撲塵三日未能空

木木一
硯屏

硯如風字創坡公硯作屏風製更工磬折舊存模範古
瓦當今藉保障功池邊墨現微凹黑鏡裏燈搖返照紅
起草夜深時點筆詩成更寫御屏風

女郎詩

五紋弱線罷經營靜喜敲詩自課程新月聯吟邀阿姊
古風偷學避諸兄戲貪鬪草題終補書憶簪花句又成
卻笑遺山太唐突句拈山石作彈評

咏臭蟲

錦帳牙牀未敢窺布衾瓦枕每相隨也知荀令香難觸

那計休文瘦不支笑我形骸原土木憐渠臭味太差池
負蟄亦有同名者許慎書成恐未知

咏牙刷

齷齪君牙幕府高此中容爾擅揮毫拔豪自詡經三伐
滕口何應誤一遭漸喜交親增馬齒漫將身世感牛毛
枕流漱石原非計那便相捐等弁髦

以上七律六首安徽節署八箴堂消暑作

守歲燭

團欒守歲歡兒童華堂銀燭輝屏風呼盧舉白歡未足
爆竹聲裏光瞳矐一心呪燭誰解道願爾長明天不曉

五更未曉是今年海水深深滴漏添好將幾尺光明燭
化作仙人十丈蓮

爲蔡友石先生題董羽六龍圖

一龍出海當天中五龍跋浪翻鮫宮雲蒸霧擁不得上
怪弄牙角爭威雄當其羣嬉傲天公太陰黑壓鯨波紅
萬象妖露誰敢逼畫師意想分形容宋時國能稱所翁
近人周璫亦擅工先生寶此最爲古南唐董羽畱遺蹤
墨香絹古出光彩四坐風起波溶溶嗚乎董生圖此蓋
有以十國春秋局終矣君不見火輪夾馬出眞龍南北
降王拜下風青銅碧海馭鱷靜天水澹澹長清空

鍾山寒燒

我家高樓揖羣峯，鍾山獨占諸山宗。冬寒草枯木黃落，
蜿蜒翠氣猶橫空。兒童忽喧婦女詫，有火夜燒驚山容。
金蛇豔豔初出穴，掉尾一擊潛無蹤。踰崗跨隴隱復見，
起滅變態隨窪隆。如雲籠月燈暎匣，知有草樹遮朦朧。
此時天清動微風，大星小星西復東。忽然擺磨結大塊，
得勢疾走成長虹。山腰橫束赤玉帶，枝斜插珊瑚紅。
遙光飛焰射樓角，棲鳥驚落蒼皮松。此火非弔乃以賀，
燒雉正助栽培功。明年春草綠如水，草堂一訪滄浪翁。

瓜步晚潮

扁舟昔出楊子橋瓜步寒鐘生暮潮蒲帆十尺夕陽滿
櫓聲不動波聲驕停舟忽到江南路半山紅葉栖霞樹
趁潮明日莫停橈早飯人家石頭戍

臘八粥

閨人恩恩盤簇簇小兒歡躍如黃犢臘八明朝當作粥
棗丹菱白栗子黃兒童索果喧廚娘翻匙踞竈爭先嘗
我亦清齋得飽腹竈糖春菜風光續更檢迎年歲華錄

獼猴戲

三三五五野場開兒童拍手獼猴來一人鳴鑼一人鼓
鑼聲嗾猴跳且舞紅衫小帽人衣冠以狗作馬身作官

雖然彼此共毛族揚鞭已改途人觀嗟爾獼猴亦何意
爲人得錢爾作戲自從蹭蹬失山林布袋土牛非一事
君不見蠅虎按節舞涼州鯽魚解作齋郎游聾蟲能爲
一錢使況爾獼猴能怒亦能喜那不供人作頤指君不
見戲猴子

元宵

混沌心自甘浮沈身亦潔舉俗愛其名自爾爲佳節

煙火盒子

中藏火樹與金支未許兒童捩眼窺滾雪飛花纔一過
此中空洞竟無奇

送窮

送窮神東海東羣仙皆住金銀宮黃金可成玉可種雖
有窮技難爲工送窮神南海南火維多怪紛趨趨天池
金翅啖龍子豈汝骨相逃肥甘送窮神北海北委羽之
鄉煙塞塞無波冰海斷人行喉巫嚇覲終何得送窮神
西海西彼中羣頑傲天嬉燭龍銜日不肯到循陰索隙
宜汝棲使彼鄧林無薪石田坼金悲玉泣銅山摧豬嗥
入淵羊化石羣魚率鱉空池飛千窮百巧盡汝技矛頭
浙米無人炊上公太白賜汝冊建汝有窮之國無遷移
肥身種子信安樂胡爲紙窻竹屋與我相因依酒盃蕩

蕩祝詞畢煌火倏忽西流馳

煤車

莫笑一車石能添萬戶春從來好推轂不是附炎人

冰車

大車高如山小車積如石推車愁重又愁輕欲賣冰多
冰不釋

酒車

酒車不用牛乃用肩與手那許者何人一滴不入口

水車

都中賣水亦生涯每到入門輒住車卻憶江南梅雨候

踏歌龍骨水翻花

廠店

風光引逐眾人行半是車聲半市聲
我惜春忙人怕緩
燒燈時節賣風箏

燕九行

白雲觀中作燕九百貨駢羅喧樂部
上元遨頭五日過
又見奔波集童叟貴游意氣挾貧從
婦女精妍雜老醜
如山酒肉沸東廂罩地香燈禮北斗
星冠道人獨何事
三尺綠章常在手皆言今日降神仙
或自捫蝨牽黃狗
乞人相逢不敢慢不惜施多期報厚
我見兀者欲與言

或李八百是君否長生何異長不死東坡此語誰當剖

燕照臺

雪恥求賢將登臺見霸心收功惟一士虛費萬黃金

花兒市

已無萬紫與千紅刻葉裝花滿市中夜雨不堪深巷賣
春風惟學剪刀工像生乍可遺嬌女談往何妨聽老翁
想見看花迷路日油車驄馬誤西東

願橫波畫蘭

得棲珠樹出風塵
雜閣清香試筆新
並代奇逢柳如是
多生絕藝管夫人
不粘落絮原奇女
能寫名花或喜神

杜穆山房詩集卷一
卻念玉京同畫手梅村題罷獨沾巾

秦淮夜泊

晨過杏花村晚來桃葉渡何處好停舟前頭邀笛步

窖花

茅屋翻從屋下編羣花於此養春妍長爲有土無風地
過盡將寒未暖天人笑畱芳成狡獪我從服氣悟神仙
此中佳處能多耐可得飛花濺舞筵

天啟小斧歌

漢家銅丸唐羯鼓絕藝從來出驕主流傳小斧製更奇
天啟七年字可數當時宮中多樂事絕喜揮斤度梁柱

正用此時持事來從此奄臣鼠變虎君不見殿上紛紛
五虎趨更無齊斧問姦諛天子自誇都料匠織兒已壞
好家居

以上雜體二十一首在都中消寒詩

消寒諸詩舊以題多慢戲錄之隨筆中避地時未暇
攜出計此數寸書當不復在人世一時意思所至不
欲自沒追憶得二十餘首多不復記憶矣乙卯春上
元日錄於清晏園之寓齋相月齋居士記